



UGOVOR
O JAVNOJ NABAVCI USLUGE PRIKLJUČKA I PRETPLATE NA INTERNET KONEKCIJU,
FIKSNi PRIKLJUČAK I IP TELEVIZIJU

Zaključen u Sarajevu, nakon okončanog postupka javne nabavke u predmetu nabavke usluge priključka i pretplate na internet konekciju, fiksni priključak i IP televiziju – putem direktnog sporazuma, na osnovu Odluke o prihvatu ponude KJU „Odgojni centar Kantona Sarajevo“ broj 31-03-11-056-03/20 od 20.02.2020. godine, između:

1. **Dioničko društvo BH TELECOM Sarajevo, ul. Franca Lehara 7, 71000 Sarajevo, ID broj 4200211100021, kojeg zastupa v.d. direktor mr. Kemal Avdagić (u daljem tekstu: Izvršilac usluga)**
i
2. **KJU „Odgojni centar Kantona Sarajevo“, ul. Jukićeva bb Sarajevo, ID broj 4201017410008 koju zastupa direktor Mirsad Pindžo (u daljem tekstu: Naručilac usluga)**

Član 1.

Predmet ovog Ugovora je za potrebe Naručioca usluga, a od strane Izvršioca usluga pružanje usluga jednokratnog priključka i pretplate u periodu trajanja ovog Ugovora, na internet konekciju, fiksnu telefoniju i IP televiziju, u skladu sa specifikacijama i prihvaćenom ponudom Izvršioca usluga broj 08.2.2-38-11932/20 od 03.02.2020. godine, koja je u prilogu ovog Ugovora i čini njegov sastavni dio.

Član 2.

Izvršilac usluga se obavezuje u skladu sa ovim Ugovorom i cijenama utvrđenim prihvaćenom ponudom, na zahtjev Naručioca usluga, na lokacijama Jukićeva bb i Hamdije Čemerlića 19, najkasnije u roku od 15 (petnaest) dana od dana stupanja na snagu ovog Ugovora, pružiti sljedeće usluge:

1. U periodu od 12 mjeseci, odnosno periodu trajanja ovog Ugovora:
 - NetFlat 10, na dvije lokacije, po ukupnoj cijeni od 613,44 KM bez PDV-a,
 - MojaTV Basic, na dvije lokacije, po ukupnoj cijeni od 451,20 KM bez PDV-a,
 - Dodatni STB, tri uređaja, po ukupnoj cijeni od 126,00 KM bez PDV-a,
 - IP Centrex – pretplata za jedan paket, po ukupnoj cijeni od 360,00 KM bez PDV-a,
 - IP Centrex – pretplata za dvanaest brojeva, po ukupnoj cijeni od 576,00 KM bez PDV-a.
2. Jednokratne usluge IP – Centrex usluge pristupa na dvije lokacije i IP – Centrex usluge pristupa za dvanaest brojeva po ukupnoj cijeni od 196,00 KM bez PDV-a.
3. Jednokratno isporučiti 3 (tri) VOIP telefona – žični model GX 1625, po ukupnoj cijeni od 221,16 KM bez PDV-a.

Član 3.

Ugovorne strane su saglasne da se ukupna cijena predmetnih usluga iz člana 2. ovog Ugovora u periodu od 12 (dvanaest) mjeseci uključujući i jednokratne troškove utvrđuje u iznosu od 2543,80 KM (slovima: dvijehiljadepetstotinačetrestetri i 80/100 KM) bez PDV-a, odnosno 2.976,25 KM (slovima: dvijehiljadesevstotinasedamdesetšest i 25/100 KM) sa uračunatim PDV-om.

Član 4.

Izvršilac usluga je dužan predmetne usluge pružati u skladu sa standardima i pravilima struke, kvalitetno i u dogovorenom roku, uz posebnu obavezu uklanjanja i ispravke mogućih pogrešaka u funkcioniranju internet konekcije, fiksnih priključaka i IP televizije odmah po pozivu i reklamaciji Naručioca usluge.

Izvršilac usluge odgovara za stabilnost, ispravnost i urednost internet konekcije, fiksnih priključaka i IP televizije, tokom cijelog trajanja ovog Ugovora.

Član 5.

Za izvršene i pružene usluge, Izvršilac usluge je dužan Naručiocu usluge ispostaviti mjesečno fakturu do 5.-og u mjesecu za prethodni mjesec.

Naručilac će izvršiti plaćanje Izvršiocu u roku od 15 (petnaest) dana od dana dospijeća fakture za izvršene usluge održavanja internet stranice.

Način plaćanja je žiralan, putem jedinstvenog računa trezora KS.

Izvršilac usluga je saglasan da Naručiocu usluga neće zaračunavati zatezne kamate za kašnjenje pri plaćanju preko Trezora, ako je Naručilac usluga u ugovorenom roku predao nalog za plaćanje.

Član 6.

Ugovor stupa na snagu dana 05.02.2020. godine, a zaključuje se na period od 12 (dvanaest) mjeseci, a u skladu sa odobrenim budžetskim sredstvima za tu namjenu.

Član 7.

Izvršilac usluga je odgovoran za nedostatke usluga koje su predmet ovog Ugovora u skladu sa odredbama Zakona o obligacionim odnosima.

Ugovorne strane zadržavaju pravo raskida ovog Ugovora u skladu sa Zakonom o obligacionim odnosima.

Član 8.

Ugovorne strane su saglasne da će eventualno nastale sporove iz osnova ovog Ugovora rješavati sporazumno, a ukoliko to ne bude moguće, za rješavanje istih nadležan je Sud u Sarajevu.

Član 9.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

Član 10.

Stupanjem na snagu ovog Ugovora, prestaje da važi Ugovor o javnoj nabavci usluge priključka i pretplate na internet konekciju, fiksni priključak i IP televiziju broj 35-03-14-836-01/19 od 10.12.2019. godine.

Član 11.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Pripremio: Tarik Radonja, viši stručni saradnik za finansije, računovodstvo i materijalno-tehničke poslove [redacted]

Kontrolisala: Merima Brdarić, stručni savjetnik za pravne poslove [redacted]

Za Naručioca:
KJU „Odgojni centar Kantona Sarajevo“
Direktor

Mirsad Pindžo

[redacted]

Broj: 31-03-11-056-04/20

Datum: 09.03.2020. godine



Za Izvršioca:
I.D. BH TELECOM Sarajevo

[redacted]

mr. Kemal Avdagić

Broj: U08-19-457/20

Datum: 16-03-2020



Tel: + 387 (0) 33 200-425, Fax: + 387 (0) 33 200-424
Sarajevo, Jukićeva b.b., odgojnicentar@gmail.com
Identifikacioni broj: 4201017410008



